



حركة التحرير الوطني الفلسطيني - فتح
إقليم استراليا



تمرّة رمضان

العدد رقم ٢١

القطايف

يصنف هذا الطبق من الحلويات .
مكوناته الأساسية :ماء + طحين
+ بيكنج باودر + يحشى إما
بالجبنة البيضاء أو القشطة أو
جوز + قطر للتحلية +فستق
حلي للتزيين.



الماء الوابل

وهو المطر القوي الذي يستمر وترتوي
به الأرض. وذكر هذا النوع في قوله
تعالى في سورة البقرة آية رقم ٢٦٥ بسم
الله الرحمن الرحيم: (ومثل الذين ينفقون
أموالهم ابتغاء مرضاة الله وتثبيتا من عند
أنفسهم كمثل جنة برية أصابها وابل
فأنت أكلها ضعفين، فإن لم يصبها وابل
فطل، والله بما تعملون بصير)

مشروب القهوة

يقدم هذا المشروب الساخن بشكل أساسي بالضيافات لكل
بيت فلسطيني . مكوناته الأساسية : قهوة محمصة
مطحونة ومحضرة بإضافة الهال والقرفة والقرنفل
والزنجبيل + ماء مغلي + سكر حسب الرغبة.





حركة التحرير الوطني الفلسطيني - فتح
إقليم استراليا



حكاوي ستي

سيف السلطان

تيتا أنا عقلي طق وبطلت فاهمة إشي معقول هيذ أبوي يعمل والله عاد أنا قلت له هيذ غلط وبصرش يوقف مع عمي ضد خوالي وشرحت إله أنه عمي قليل فهم وهيذ رح يضر حاله ويضرنا معه، وكلام خوالي صحيح لو أنه أبوي يبيع الغلة للتاجر العكاوي رح يكسب مصاري إمنيح لشو بدّه يستتي أبو حامد، هاظا نابلسي كحته وعمره ما رح يدفع بزيادة لازم تحكي معه يا تيتا؟

يا ستي إنتي ليش شاغلة بالك في هيذ حكي كل واحد براسه موال بغنيه وهاي الرقصة مش لخصرك ويتقطع وسطك، القصة مش اعمام وخوال الشغلة كبيرة وبدها فردت حصيرة وعين تشوف بالبصيرة، عمك هاظا خيره كثير الله يبارك له وأرضات أبوكي جوات أرضاته وهو صاحب الرأي والشور إزرعوا عدس بزراعوا وإن قال إزرعوا كرسنة بزراعوا كرسنة لأنه إلهم كوم وأبوكي إله من الكوم بحبوثة وعشين هيذ أبوكي زلما فهمان عارف إنه هو مربوط بأخوه إذا قال قولة محسوبة على أخوه وإن شار شورة يمكن يزعل أخوه، ولهيك راح جاب خوالك وقال إلهم أحكوا مع أخوي بلقي رضى ووافق وإن ما رضى لا بزعل مني ولا بخسر كسفة قولي. فإنتي شفتي وأنا شايف إنه كلام خوالك منقول من إلسان أبوكي وأبوكي مش ماين على أخوه ولا قادر يبيع لحاله، وإذا بدك تحكي على أبو حامد فهوي صاحب عمك من زمان وياما وقف مع عمك وقت الشدايد وكمان بشتري شوات مسكرة لا بعد ورانا ولا بقول هذا الشوال بوخذه وهاظا الشوال بلزمنيش، وإحنا فلاحين مش تجار وبنقول دايمنا التجار إما فجار وإما فخار وزى ما بتعرفي الفخار بحن على إللي بقلبه وبحميه شو ما كان يكون فسيخ والإ زيت زيتون وإمن الفجار بدوسوا القريب قبل ليعيد وبشترى وببيعوا بالناس وبقولوا إن سلّم كيسي الله لا يبقي كيس بجيبة حدا بالنديا. وآخر القول يا ستي يا حبيبتني إللي بتقدري عليه لحالك بتعمليه بشورك وبكون عقلك ميزانك وإللي بدك فيه معاونة الناس بتشوفي مين معك دايم دوم وبتحطي حياتك لقلال فوق كومتته وإن سألوكي الناس قولي إللي يوكل عند السلطان بضرب بسيف



في فلسطين
لما تحكي لامك : بما انا نازل .
بدك اشبي من تحت ؟



الام : لا والله سلامتكم حبيبي ما
بدي شبي بس جيب معك خبار
وبندورة وعدس وجبلي اولاد اخوك
اشتكتلهم وجيب طنجرة الضغط
من عند جارتنا اخدتها وما رجعتها
وانهي الانقسام وحرر فلسطين





خرافية

أخذته العصفورة

من هون لهون يا مدبر الكون لا يضيّعنا ولا يبيضيّعكم الزمان الله معنا والله معكم، كان يا مكان ما بطيب الزمان إلا لتصلّوا على النبي وتذكره إنطعشر إمام، اللهم صل على محمد وعلى آله وأصحابه الطيبين وأئمة المسلمين ليوم الدين. كان بقديم الزمان مرا إسمها ذكري إمها ماتت لما ولدتها وأبوها سماها ذكري لإنها ذكري من إمها إللي كان يحبها وهاي ذكري عقاتها إمناح بس مخها زغير يعني شاطرة وحركة وبتفهمها على الطيار بس نساية بنتسي المي إللي بالكباية والبيض إللي بالغلاية، لما كبرت وعدلها إجاها جوزها عرف دواها ما كان يطلب منها إلا الحاضر الحارق بس حكي بkra بنقال بkra وإلا العصفورة بتوخذه وما بترجعه إلا بعد إماحكة وعلة قلب.

ومرات كثيرة كان جوزها يبجها يبهدلها لإنها نسيت شغللات لازم تعملها وياما حرقت خبز بالتثور وياما نسيت ترجع الجاج على الخم وهات قطب ولا قطب إلا بنسي البقرات بالحارة ويصير هو يوكل بحاله قدام الناس، بس هلقيت ذكري صارت كبيرة وصار إلهها ثلاث ولاد وهي كانت تقول لكل واحد فيهم شغلة أول ما تسمعها أنت يا شفيق بتذكرني إنه في طبخة على النار لازم أعاودها بعد ساعة وأنت يا منير بذكركني بصلاتي وقت ما تسمع الوذان وأنت يا محسن بذكركني أضب العسيلات قبل ما تمطر وهيد صار إلهها بدل مخها الزغير ثلاث مخاخ تخبي فيهم الحكي وبطلن حدا بتذكر إنها بنتسي. لحد مرة إجا جوزها وقالها يا ذكري بدي أحكي لك حكي ما بدي مخلوق يعرف فيه هذه المصاري غلة السنة خبيها وبديش حدا يعرف طريقها دير بالمش كلها مصاري منهن رح أسد ديوني وأشترتي المونة يعني معك المصاري المرابعة تحويشة وحوشة وحريشة وتدحيشة مش تقولي لحدا إنها كلها معك عينيها عن العين جمعيتين وبعدينش بصير أقسمها أربع أكوام ووزعها على أهلها والعوام قبل ما يجي عام لازم نصفي العام إللي قبله.

قامت ذكري أخذت المصاري وحطتهن بصرة وبعد الفجر كبعث بلاطة من تحت تحتها وبحشت وحطتهن فيها وطمتهن إمنيح ورجعت البلاطة وبعديها نامت للضحى، بعد جمعيتين إجا جوزها بسألها وين المصاري وهي تقول ما إنطيطنيش إشي شوف وين حطيتهن، وبلش يخطب فيها وفي ولادها وبعديها قعد يلطم ويولول مثل إللي قاير إمه بعزا إبو. طلع يشوف شو بده يعمل بحاله وهو عارف إنه ذكري عمرها ما رح تتذكر وين عانت المصاري، إجت جارتها وقالت ماله جوزك ضربكم وطلع دمعه على خده قام ولادها قالوا لها إللي صار فقالت عندي شور بس ما تقولوا إني أنا إللي قلتها: الحكي إللي بنقال وبنسياه بتسرفه عصفورة الجن وبتخبه عندها وإللي بده يشترتي حكياته منها بده يلبي طلباتها وعصفورة الجن بعرفش وينها بس سلمى النورية بتدللك عليها إذا إنطيتها جاجة وكماجة، راحوا أولاد ذكري وأعطوا سلمى النورية الجاجة والكماجة ودلتهم وين عصفورة الجن بايته، طلنت عليهم العصفورة وقالت: يم هيد جاينين إيد ورا وإيد قدام وأنا أصلاً برضاش بأي هدية، قالوا إلهها: إنتي بتعرفي إنا أولاد زغار ولما بذك تطلبني أعرفي إنه لا بنقدر على الذهب والمرجان بس رح نعمل كل إللي بتطلبه وبنقدر عليه، قالت العصفورة: إمم لإنكم زباين أول مرة رح أتساهل معكم بدي تعبوا لي مي بكيلة من سبع عيون ما بحب مية البير أنا، وبدي سبع قمحات من سبع وديان شاربات من السما مش مرويات وبدي سبع شعرات من سبع بسس ما يكن خوات ويكنن لسه برضعن من إمهاتهن. راحوا الأولاد وجابوا إللي طلبته بعد ميت حمت بال دلتهن على مكان المصاري، راحوا طلخوا المصاري وقالوا لأبوهن: مشين الله قولنا أحنا بنخبي أغراضك بلاش ما توخذ العصفورة الحكي وهات تا إنلبي طلباتها.





حركة التحرير الوطني الفلسطيني - فتح
إقليم استراليا




صدر حديثاً

ديوان حيث أنثى الحب تلد

المؤلفة: الشاعرة ابتهاج خوري

مجموعة من قصائد تنشدُ حياة صافية ، هانئة على امتداد وطن يُفتدى بالنفس والابن ، ليبقى مشعاً حرّاً. فمن خلالها نشمّ رائحة رغبة أكيدة لغد أفضل، ترسمه الشاعرة مؤكدة على الحبّ الحقيقيّ، الذي يكون بمثابة مخلص أوجد ، إذ يشابه المسيح الذي سيظهر ويظهر العالم من الآثام ، ويزرع بدلاً عنها حباً سامياً وسلاماً.

إصدار مؤسسة الرحاب الحديثة / بيروت.



فراشات فلسطين

الاسم العلمي

Azanus Ubaldus

إزاناوس أوبالداس

